



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 395. Usque Ad Annum 428

**Fleury, Claude**

**August. Vind. [u.a.], 1759**

**VD18 90117794**

§. 41. Aliarum Ecclesiarum cura.

---

[urn:nbn:de:hbz:466:1-66042](https://nbn-resolving.org/urn:nbn:de:hbz:466:1-66042)

cere satagebat; diu pertinacem frustra hortabatur, nam aliarum sceminarum consuetudo, & exempla retinebant; tandem, cum minaretur, se eam repudiaturum, promisit mulier, quod maritus volebat, & ad Ecclesiam venit; ubi tempus Communionis adfuit, Evcharistiam accepit, & caput, quasi oratura, inclinavit; non autem, ut debebat, Evcharistiam manducavit, sed, ea servata, panem, a famula rei conscia sibi secreto datum, loco Evcharistiæ sumpsit. At quamprimum hunc panem ori intulit, lapidem sub dentibus suis factum sensit; miraculo perterrita, ad Episcopum convolvit, omnia confessa, ostendit lapillum, in quo dentium vestigia notabantur, & cujus materia, colorque ab omnibus aliis abhorrebat; facti veniam cum lacrymis rogavit, atque exinde cum Marito in pace vixit. Lapillus prodigiosus, in thesauro Ecclesiæ Constantinopolitanæ custoditus, tempore Sozomeni, qui hanc historiam narrat, conspiciebatur.

Sæculum IV.  
A. C. 399.

## §. XLI.

*Aliarum Ecclesiarum cura.*

Major erat S. Joannis Chrysostomi zelus, quam ut in Ecclesiæ Constantinopolitanæ limitibus contineretur, sed ad omnes Ecclesias extendebatur. Ecclesias sex Provinciarum in Thracia, undecim

Soz. VIII.

c. 3.

Theo. V. c. 98



Sæculum IV. A. C. 399. cim Provinciarum Asiæ, iterumque undecim Provinciarum Ponti, universim viginti, & octo Provinciarum in meliorem Disciplinam reformavit. Episcopus sui exordio Episcopos Orientis, atque Episcopos Ægypti, & Occidentis, in causa Paulini dissidentes, componere aggressus, Theophilum Alexandrinum rogavit, ut operam conjungeret, ad Flavianum Episcopum cum Papa reconciliandum; Flavianum enim S. Chrysostomus adhuc ut Patrem suum spiritualem, & Magistrum venerabatur. Theophilo Alexandrino consilium probante, Acacius Episcopus Bereensis, & Presbyter Isidorus Alexandrinus delecti sunt, qui Romam irent. Illuc delati, & re feliciter confecta, in Ægyptum rediere, atque inde Acacius in Syriam, Flaviano, suisque Epistolas pacis ab Episcopis Ægypti, & Occidentis afferens. Ita Communio inter has Ecclesias restituta. (\*)

*Theo. V. c. 30* S. Chrysostomus etiam ad convertendos Scythas animum adjecit; nonnullos Constantinopoli invenit, Secta Arianos, quos

(\*) Hic Fleurius omisit dicere, sub quo Pontifice hæc gesta sint. Si hæc anno 399. contigerunt, S. Anastasius sedebat. Alii alio tempore, nempe sub Theodosio, factam celeberrimam reconciliationem dicunt. Theodoretus, & Sozomenus discrepant.



quos ut lucraretur, Presbyteros, Diaconos, & Lectores ejusdem linguæ peritos dedit, & Ecclesiam propriam concessit, quo ipse non nunquam se conferebat, ut iis per interpretem loqueretur. Hoc modo multos ad fidem perduxit. Cum ei fuisset relatum, dari Scythas Nomades, id est, Pastores, & vagos, prope Danubium castra habentes, qui veram Religionem doceri cuperent, viros Apostolicos quæsit, qui illuc missi, felici successu laborarunt. Sciens Marcionitas invenire esse in territorio Cyrensi, ad Episcopum scripsit, exhortans, ut his hæreticis Regionem liberaret, legum Imperialium auxilium offerens. Marcum Diaconum a S. Porphyrio, Episcopo Gazensi, missum, ut Imperatoris præsidium adversus Paganos obtineret, adjuvit, & ut templa Deorum in Phœnicia destruerentur, curavit; Monachos zelo plenos conquirit, quos Rescriptis Imperatoris munitos, ad hoc opus perficiendum misit. Attamen non petiit, ut Imperator ad hujus Missionis sumptus quidquam tribueret, sed divites, & piæ fœminæ abundanter necessaria suppeditarunt.

## §. XLII.

*Leges contra Idololatriam.*

**H**abemus etiam Legem, ab Arcadio latam, tertio Idus Julii, Theodoro Consula-  
 L. 13. C.  
 Theod. de  
 pag. 83 ib.  
 Gothofr.

Sæculum IV.  
 A. C. 399.

c. 31.

vita S.  
 Porph. ap.  
 Sur. 26.  
 Febr. Theod.  
 V. c. 29.